

KETERANGKUMAN DAN KELESTARIAN



Bagi Khazanah, pelaburan jangka masa panjang bukanlah sekadar pulangan kewangan, tetapi turut mencakupi etika dan penciptaan nilai yang berkekalan. Kami melakukannya dengan mengimbangkan ekonomi berasaskan modal dengan ekonomi berasaskan rakyat yang seterusnya membawa kepada kehidupan rakyat yang lebih berkualiti tinggi. Berikut adalah inisiatif terpilih yang didorong oleh Khazanah untuk menggalakkan keterangkuman dan kelestarian.

Perkongsi Nilai melalui Yayasan Hasanah

Yayasan Hasanah (Hasanah) telah ditubuhkan pada Disember 2013 untuk menerajui inisiatif tanggungjawab korporat (CR) Khazanah, satu pendekatan yang padu dan lebih strategik untuk berkongsi nilai dengan negara bagi tahun-tahun yang akan datang. Mandat Hasanah adalah untuk menyokong pembangunan dan pelaksanaan penyelesaian untuk memperkasakan komuniti, menggalakkan keterangkuman sosial dan menambah baik persekitaran tempatan.

Setiap tahun, belanjawan tahunan Hasanah dibiayai melalui pulangan tahunan hasil daripada penajaan dana endowmen Khazanah bernilai RM3 bilion, yang secara majoritinya disalurkan ke arah menyokong dan membiayai program Rakan Kerjasamanya selain peruntukan yang sewajarnya untuk membiayai operasi Hasanah.

Hasanah berfungsi melalui ekosistem Rakan Kerjasama yang melibatkan masyarakat madani, komuniti, badan korporat dan agensi kerajaan untuk memastikan usahanya memberi kesan yang bermakna. Hasanah juga menyediakan strategi dan nasihat perniagaan, latihan dan bengkel, perkongsian pengetahuan, amalan terbaik sektor serta peluang rangkaian untuk membantu membina kapasiti dalam kalangan organisasi masyarakat madani.

Untuk maklumat lanjut tentang Hasanah, layari
visit www.yayasanhasanah.org

Mengimbangi Ekonomi Berasaskan Modal dan Ekonomi Berasaskan Rakyat



YAYASAN HASANAH



Sebuah yayasan milik Khazanah Nasional

MEMBINA NILAI SEJATI

Yayasan utama yang menggalakkan kemampanan Malaysia pada peringkat global melalui penyelesaian yang memperkasakan komuniti, menggalakkan keterangkuman sosial dan menambah baik persekitaran tempatan



A



A Timbalan Pengerusi Khazanah dan Pengerusi Khazanah Research Institute (KRI) Tan Sri Nor Mohamed Yakcop (tengah) bersama Tan Sri Azman (paling kiri), Pengarah Urusan KRI Datuk Charon Mokhzani (dua dari kanan), Lembaga Pemegang Amanah KRI, Dr Nungsari Ahmad Radhi (paling kanan) dan Pengarah Penyelidikan Dr Mohammed Khalid (dua dari kiri) semasa majlis pelancaran *The State of Household II* yang diterbitkan oleh KRI.

PENDIDIKAN



YAYASAN
KHAZANAH

Memupuk Pemimpin Masa Hadapan

Yayasan Khazanah (YK) telah diberikan kepercayaan untuk memilih, menyokong, mempersiapkan dan memupuk individu-individu luar biasa yang bakal mengambil alih kedudukan tinggi dalam organisasi terbaik di Malaysia termasuk GLC. Selain menawarkan biasiswa ke universiti terkemuka di dalam dan di luar negara, YK juga menyediakan pelbagai peluang kepada pemegang biasiswa Khazanah termasuk program kepimpinan dan pembangunan sahsiah, peluang menjadi sukarelawan dengan badan-badan bukan kerajaan atau bukan berasaskan keuntungan dan latihan amali kerja di syarikat-syarikat termasuk GLC, GLIC atau Agensi Kerajaan.

Untuk maklumat lanjut tentang YK, layari www.yayasankhazanah.com.my



Meningkatkan Standard Pendidikan Negara

Yayasan AMIR adalah sebuah yayasan bukan berasaskan keuntungan yang ditubuhkan pada 26 Oktober 2010 oleh Khazanah untuk menambah baik kualiti pendidikan di sekolah-sekolah Kerajaan Malaysia melalui Kerjasama Awam-Swasta dengan Kementerian Pendidikan.

Program Sekolah Amanah Yayasan AMIR mempunyai sasaran untuk menjadi rangkaian Sekolah Amanah terkemuka Malaysia, dengan matlamat untuk mewujudkan model transformasi sekolah yang boleh direplikasikan ke seluruh negara. Sekolah Amanah Yayasan AMIR bersifat holistik, terangkum dan mewakili latar belakang etnik Malaysia yang pelbagai. Kami juga ingin mentransformasikan hasil pelajar dengan menggalakkan amalan pengurusan sekolah yang lebih cemerlang dan menerajui penambahbaikan kurikulum dan penyampaian pendidikan.

Untuk maklumat lanjut tentang Yayasan AMIR, layari www.yayasanamir.org.my

B



C

B Dikir Barat Arjunasukma membuat persembahan di stesen LRT Masjid Jamek sebagai salah satu inisiatif *Arts On The Move* oleh Think City untuk membawakan aktiviti-aktiviti seni dan budaya dalam usaha menghidupkan semula ruang-ruang awam

C Penerima biasiswa Khazanah dan Pengarah Urusan Kamarul Bahrein Sharif semasa Majlis Jamuan Gala sempena Ulang Tahun ke-10 Yayasan Khazanah

KETERANGKUMAN SOSIAL

thinkcity
REJUVENATING THE CITY TOGETHER

Memacu Pembangunan Semula Bandar

Think City, anak syarikat milik penuh Khazanah ditubuhkan pada 2009, sebuah organisasi pembangunan semula bandar berkonsepkan kemasyarakatan, menjadi peneraju dalam usaha pembangunan semula Tapak Warisan Dunia UNESCO, George Town. Pada 2015, Think City telah diberi mandat untuk mengembangkan usaha yang sama di Kuala Lumpur, Butterworth dan Johor Bahru. Think City bekerja rapat dengan pihak kerajaan, agensi tempatan dan antarabangsa serta pelbagai komuniti bagi membina keupayaan tempatan untuk memelihara dan membangunkan warisan, budaya dan seni bina. Ia juga bertujuan untuk menggalakkan pembangunan lestari dan mewujudkan persekitaran yang lebih sesuai untuk didiami.

Untuk maklumat lanjut tentang Think City, layari www.thinkcity.com.my

KHAZANAH
RESEARCH
INSTITUTE

Penyelidikan Polisi Berdasarkan Fakta

Khazanah Research Institute (KRI) mula beroperasi pada suku pertama tahun 2014 dan bertujuan untuk menjalankan analisis dan penyelidikan mengenai isu-isu negara yang kritikal. Berdasarkan penyelidikan tersebut, KRI menyediakan cadangan dasar yang praktikal. Penerbitan KRI yang bertajuk *"The State of Households II"* yang dilancarkan pada bulan Ogos 2016 meneliti keadaan isi rumah termasuk isu wanita sebagai tenaga kerja dan populasi yang semakin meningkat usia. Begitu juga dengan *Climbing the Ladder; Socio-economic Mobility in Malaysia* yang dilancarkan pada bulan Oktober 2016 dan merupakan kajian yang mewakili mobiliti sosial antara generasi berskala besar pertama seumpamanya di Malaysia. Kajian tersebut memberi fokus bukan sahaja kepada mobiliti pendapatan antara anak dan ibu bapa tetapi juga tentang mobiliti pendidikan dan pekerjaan.

Untuk maklumat lanjut tentang KRI, layari www.krinstitute.org



"Saya bersyukur kerana diberi peluang untuk melakukan dua tugas iaitu sebagai Pengarah Eksekutif Think City dan Pengarah di Khazanah. Selain menghasilkan pulangan secara komersial, kerja-kerja yang dilakukan oleh Khazanah melalui Think City telah menyentuh hati ramai pihak. Bagi saya, nilainya adalah pada impak yang kami peroleh setiap hari dengan cara menambah baik persekitaran tempat mereka tinggal, bekerja dan bermain."

Hamdan Abdul Majeed
Pengarah Eksekutif,
Think City & Pengarah,
Pelaburan



“ Pada Ogos 2004, Encik (pada ketika itu) Azman Mokhtar berkongsi tujuan Khazanah Nasional untuk Membangunkan Negara. Ketiga-tiga wakil daripada EY meninggalkan mesyuarat tersebut dengan semangat yang berkobar-kobar untuk melakukan perkara yang sama. Hal ini selaras dengan Tujuan Membina Dunia Pekerjaan Yang Lebih Baik di EY. Tujuan yang dikongsi ini menjadi petunjuk kepada kami sepanjang kami bekerjasama dengan Khazanah selama 13 tahun lalu. ”



Chow Sang Hoe

Rakan Pengurusan
Khidmat Nasihat, ASEAN
dan Malaysia,
EY Malaysia

MENGALAKKAN RUANG AWAM

Khazanah terlibat dalam usaha untuk menggalakkan ruang awam sebagai sebahagian daripada sumbangan ke arah mewujudkan bandar-bandar yang lebih lestari dan sesuai untuk didiami.



Program Cruyff Courts

Malaysia adalah negara Asia kedua selepas Jepun yang mempunyai Program Cruyff Courts iaitu suatu kerjasama antara Yayasan Khazanah dengan Johan Cruyff Foundation. Cruyff Court Iskandar Malaysia telah dilancarkan pada tahun 2012 manakala Cruyff Court Kuala Lumpur di Brickfields telah dibuka pada tahun 2013. Program ini menyediakan pengalaman bermain bola sepak yang unik buat kanak-kanak yang kurang bernasib baik, belia dan masyarakat umum. Cruyff Courts menghidupkan semula padang-padang lama yang dipinggirkan akibat proses perbandaran agar dapat menyemarakkan semula perpaduan sosial di mana padang ini dijadikan tempat bermain serta tempat berkumpul untuk memupuk semangat saling menghormati, perpaduan, pembangunan dan kerjasama. Pada tahun 2017, dua buah gelanggang baharu akan siap dibina di Projek Perumahan Rakyat (PPR) Air Panas & PPR Seri Semarak di Setiawangsa, Kuala Lumpur.



Projek Taman Tugu

Projek Taman Tugu adalah sebuah inisiatif tanggungjawab sosial korporat (CSR) dengan pelbagai komponen dan bukan berasaskan keuntungan yang diterajui oleh Khazanah dengan kerjasama Dewan Bandaraya Kuala Lumpur (DBKL) dan sokongan pelbagai pihak berkepentingan termasuk Kementerian Wilayah Persekutuan, Kementerian Sumber Asli dan Alam Sekitar, Unit Perancang Ekonomi (EPU), Unit Kerjasama Awam Swasta (UKAS), Institut Penyelidikan Perhutanan Malaysia (FRIM) dan Persatuan Pencinta Alam Malaysia (MNS).

A Kanak-kanak semasa sesi latihan bola sepak di Cruyff Court, Brickfields, Kuala Lumpur

B Dato' Sri Mohd Najib semasa pelancaran Projek Taman Tugu bersama Menteri Wilayah Persekutuan Datuk Seri Tengku Adnan Tengku Mansor dan Tan Sri Azman

Sehingga RM650 juta telah diperuntukkan untuk projek ini yang meliputi komponen berikut:

- Pemuliharaan dan pengaktifan taman rimba bandar seluas 66 ekar (sekitar RM190 juta)
- Menghubungkan kawasan sekitar dengan laluan pejalan kaki berbumbung sejauh kira-kira 2 kilometer (sekitar RM175 juta)
- Pembangunan pusat pembelajaran dan inovasi (sekitar RM185 juta)
- Penubuhan Dana Amanah Negara termasuk operasi, penyelenggaraan, usaha sama dan pembangunan komuniti sehingga tahun 2030 (RM100 juta)

Sejak dilancarkan pada September 2016, pasukan projek ini telah menjalankan lebih daripada 30 dialog terbuka, perbincangan dengan kumpulan dengan minat yang khusus seperti NGO alam sekitar, persatuan arkitek dan landskap, komuniti larian dan berbasikal, majlis pelancongan, institusi pendidikan, agensi kerajaan serta ahli-ahli Parlimen. Mereka juga telah menjalankan kaji selidik atas talian dan mewujudkan reruai informasi yang dikenali sebagai 'Rakyat Touch Points' di pusat-pusat membeli-belah dan stesen LRT untuk memastikan orang ramai mempunyai kefahaman yang jelas tentang projek tersebut dan turut memberikan input.

Projek ini dijadualkan siap secara berperingkat bermula dengan sebahagian taman pada penghujung suku ketiga tahun 2018.

Untuk maklumat lanjut tentang Projek Taman Tugu, layari

www.tamantuguproject.com.my

Pembangunan Sistem Pengangkutan Awam Iskandar Puteri

Fasa pembangunan seterusnya untuk Iskandar Puteri di Johor adalah penubuhan sistem perkhidmatan bas yang menghubungkan semua pusat utama di kawasan itu. Bas Rapid Transit adalah satu sistem yang menggunakan laluan khas bas, stesen akses seragam, akses pejalan kaki bersepadu, dengan membawa muatan penumpang yang ramai dan kekerapan perkhidmatan yang tinggi.

Perumahan Mampu Milik di Iskandar Malaysia

UEM Sunrise telah memperuntukkan tanah miliknya di Gerbang Nusajaya, lokasi gelombang kedua pembangunan selepas Iskandar Puteri, untuk perumahan mampu milik yang akan dibina untuk rakyat Malaysia.

KELESTARIAN

Pelaburan Berimpak

Khazanah sentiasa mencari peluang pelaburan yang memenuhi mandat komersial dan pada masa yang sama turut menghasilkan impak pembangunan sosial dan keterangkuman yang tinggi. Pelaburan berimpak kami termasuklah 8990 Holdings, yang memfokuskan kepada pembinaan rumah untuk golongan berpendapatan rendah di Filipina; Cenviro, yang terlibat dalam pengurusan sisa secara mampan; dan Cenergi SEA dalam sektor tenaga bersih.

Pada tahun 2015, Khazanah turut menggabungkan pendidikan dan kewangan Islam bersama-sama dengan pelaburan tanggungjawab sosial melalui penerbitan Sukuk Mampan dan Bertanggungjawab. Struktur inovatif ini, walaupun agak baharu, adalah satu konsep yang kukuh dengan jangkaan bahawa kesedaran dan maklum balas daripada pelabur akan terus meningkat dari semasa ke semasa.

Pelaburan Bertanggungjawab

Melewati pulangan kewangan, Khazanah juga sedang berusaha untuk mengukur impak holistik pelaburan yang merangkumi bidang seperti alam sekitar, modal insan dan keharmonian industri, kesan pengganda ekonomi seperti mewujudkan peluang pekerjaan, pembentukan teknologi dan pengetahuan; serta pembangunan rangkaian pembekal.



21 sekolah amanah
memulakan program pada
tahun 2016, menjadikan
jumlah keseluruhan sebanyak
83 sekolah di 10 negeri



SOROTAN INISIATIF TANGGUNGJAWAB SOSIAL KORPORAT TERPILIH PADA TAHUN 2016

PENDIDIKAN



MENINGKATKAN KUALITI PENDIDIKAN NEGARA

- 83** Sekolah Amanah di **10** negeri
- 94.4%** purata peningkatan dalam pembangunan holistik pelajar melalui aktiviti-aktiviti kokurikulum
- 6.1%** purata peningkatan dalam Gred Purata Sekolah SPM
- 4.3%** purata peningkatan dalam kadar kelulusan UPSR



MENGURANGKAN KETIDAKADILAN DALAM PENDIDIKAN

- 83%** berdasarkan **56** maklum balas daripada pengetua memberikan kadar efektif kepada Felo Teach For Malaysia (TFM) (Kaji Selidik Kepuasan Sekolah 2016)
- 98** Felo TFM di **53** sekolah menengah, memberi impak kepada **14,700** pelajar
- 31%** daripada **221** alumni kekal sebagai guru sekolah



MEMUPUK PEMIMPIN MASA HADAPAN

- 111** biasiswa dianugerahkan pada 2016
- Sejak 2006, **646** biasiswa Yayasan Khazanah telah dianugerahkan:
 - **296** Biasiswa Khazanah Global
 - **140** Biasiswa Khazanah Watan
 - **137** Biasiswa Khazanah Asia
 - **73** Biasiswa Khazanah Bestari



MENGHUBUNGKAN SEKOLAH LUAR BANDAR DAN SYARIKAT KORPORAT MALAYSIA

- 483** sekolah angkat (2007-2016)
- 172** sekolah aktif pada 2016 dijadikan sekolah angkat oleh syarikat korporat
- 724,000** pelajar mendapat manfaat sejak diwujudkan
- 99%** kadar kepuasan sekolah bagi Program Sekolah Angkat PINTAR
- Dua Unit Pembelajaran Bergerak PINTAR (PMLU) telah memanfaatkan:
 - Sejumlah **61,896** pelawat melalui:
 - **215** sekolah di seluruh negara termasuk
 - **120** sekolah PINTAR yang aktif dan
 - **82** sekolah yang telah tamat tempoh program



MENGHUBUNGKAN KOMUNITI ARTISTIK DAN KEBUDAYAAN

Melakukan tinjauan awal tentang ekonomi dan industri kreatif di Malaysia bersama-sama Think City dan British Council



MENGALAKKAN KESEDARAN SENI, WARISAN DAN KEBUDAYAAN PADA USIA MUDA

- Kehadiran keseluruhan semasa program:**
 - Chef Muda - **63%**
 - Teater: Topeng dan Pergerakan - **74.1%**
 - Alam Gamelan - **50%**
- Sebuah pameran telah diadakan tentang ketiga-tiga program tersebut pada 20 November 2016 untuk ibu bapa, penjaga dan kanak-kanak daripada program-program lain



RUANG AWAM YANG SELAMAT, TERANGKUM DAN MUDAH DIAKSES

- Melaksanakan pendekatan yang sama yang dicapai dalam menjayakan **Program Geran George Town di Butterworth, Kuala Lumpur dan Johor**
- 99** projek di pelbagai peringkat pelaksanaan:
 - 30** - George Town
 - 34** - Butterworth
 - 32** - Kuala Lumpur
 - 3** - Johor
- 34** program intervensi kemudahan perbandaran dilaksanakan
- 57%** program melibatkan atau diketuai oleh rakan kerjasama komuniti tempatan, sektor awam dan swasta



MEWUJUDKAN PADANG PERMAINAN YANG SELAMAT DALAM KEJIRAN BANDAR


Melebihi 100% kadar penggunaan sasaran sebanyak 190 jam sebulan

SENI, WARISAN DAN BUDAYA (AHC)



RUANG AWAM



 PEMBANGUNAN KOMUNITI	SEJAHTERA MEMBASMI KEMISKINAN, MENAMBAH BAIK KEHIDUPAN 20 dewasa dan 20 remaja telah dikenal pasti untuk menyertai program punca pendapatan perbandaran di kawasan perumahan kos rendah di Lembah Klang Memulakan fasa pertama program pembangunan komuniti untuk masyarakat kampung di Kampung Pinggan Jaya, Kuching, Sarawak yang bertujuan untuk mewujudkan hab "gula apong" di kampung tersebut 35 kanak-kanak sekolah rendah dan 20 remaja sekolah menengah memulakan fasa pertama kelas tuisyen yang dianjurkan oleh Sejahtera	Women Of Will Redirecting journeys Rewriting stories LATIHAN KEMAHIRAN KEUSAHAWANAN DAN PEMBIAYAAN MIKRO UNTUK WANITA BERPENDAPATAN RENDAH 152 wanita menghadiri latihan keusahawanan dengan WOW, yang merupakan prasyarat sebelum mereka boleh menerima pinjaman mikro 170 wanita berpendapatan rendah di Lembah Klang dan Keningau, Sabah menerima pinjaman mikro sebanyak RM2,000 untuk mengembangkan perniagaan kecil mereka	KEMAHIRAN PENERAJU PENDIDIKAN BUMIPUTERA LATIHAN KEMAHIRAN MENJANA PENDAPATAN UNTUK MENAMBAH BAIK KEMAHIRAN REMAJA YANG KURANG BERPRESTASI DARIPADA SEGI AKADEMIK 25 pelajar lulus latihan vokasional dan terlibat dalam kerja berkemahiran tinggi	
OrphanCARE Every Child Needs A Family ORPHANCARE (OC) (ORGANISASI RAKAN MASYARAKAT MADANI) Membantu anak-anak yatim dan bayi yang ditinggalkan serta 'penyahinstitusian' kanak-kanak' (DI): 8 kanak-kanak berjaya disatukan dengan keluarga mereka 13 daripada 26 wanita mengambil keputusan untuk menjaga bayi mereka 139 bayi yang ditinggalkan berjaya ditempatkan dengan ibu bapa angkat 109 pasangan menghadiri latihan tentang keibubapaan 260 peserta masyarakat madani dan kerajaan menyertai persidangan DI	YCK YATIMAN CHOW KIT Every Child Matters MENYEDIAKAN KAWASAN SELAMAT UNTUK KANAK-KANAK BERISIKO Sekitar 155 kanak-kanak menghadiri Pusat Aktiviti Kanak-Kanak YCK 29 pelajar YCK berada pada tahap akademik yang sepatutnya (mengekalakan sekurang-kurangnya kelulusan B di sekolah) Hasanah menyokong YCK untuk menjadi sebuah organisasi yang mampan dan merancang peranan sebagai pemberi sokongan 	mercy MALAYSIA BANTUAN BENCANA DAN KEMANUSIAAN Tindakan Kecemasan Menyokong keperluan pelarian Syria di Lebanon → Membantu sekitar 20,000 penerima manfaat Syria di kem pelarian melalui program musim sejuk yang menyediakan antara lain, bantal makanan, selimut, ubat-ubatan dan diesel. Pemulihan Bantuan pemulihan di kawasan-kawasan yang terlibat dengan banjir di Republik Korea Utara		
ILMU PENGETAHUAN 	KHAZANAH RESEARCH INSTITUTE PENYELIDIKAN BERASASKAN FAKTA Laporan <i>The World in 2050</i> dilancarkan pada Jun 2016 Laporan <i>The State of the Households II</i> dan <i>Map of Malaysia</i> dilancarkan pada Ogos 2016 Laporan <i>Climbing the Ladder: Socio-Economic in Malaysia</i> dilancarkan pada Oktober 2016 Persidangan Antarabangsa Malaysia-Perancis dengan tajuk "Malaysian Capitalism in Comparative Perspective" telah diadakan pada November 2016 "KRI Morning Talk" dilaksanakan dengan kerjasama Think City Penang telah diadakan pada November 2016	ALAM SEKITAR	Treat Every Environment Special TREAT EVERY ENVIRONMENT SPECIAL (TREES) (ORGANISASI RAKAN MASYARAKAT MADANI) Memperkasakan pelajar sekolah menengah untuk melaksanakan projek kitar semula di sekolah Program YV4C: 30 pelajar sekolah menengah mengambil bahagian dalam program YV4C yang berjaya mendekati lebih daripada 32,500 pelajar 240 pelajar dilatih untuk menghasilkan projek kitar semula di sekolah masing-masing 126.46 tan bahan buangan yang boleh dikitar semula (kertas, plastik, tin aluminium dan besi) dikutip daripada 30 sekolah 36.1% pelajar sasaran daripada setiap sekolah mengambil bahagian dalam projek kitar semula Lebih 17,000 pelajar mengambil bahagian dalam aktiviti kitar semula di sekolah masing-masing	REEP CHECK MALAYSIA MEMULIHARA EKOSISTEM HUTAN, AIR TAWAR DAN MARIN Menghasilkan Peta Kawasan Pengurusan Marin (MMA) untuk Mantanani: 31 perwakilan ahli komuniti dan industri pelancongan mengambil bahagian dalam pemetaan ekosistem marin dan menggunakan kaedah pemprofilan

MENYOKONG TRANSFORMASI NASIONAL



Khazanah menyokong dan menyumbang kepada inisiatif transformasi negara

Khazanah adalah sebahagian daripada pasukan kerja yang menyokong Majlis Penasihat Ekonomi Negara dalam membangunkan Model Baharu Ekonomi (MBE). Kami terlibat dalam pembentukan Unit Pengurusan Prestasi dan Pelaksanaan (PEMANDU), yang ditubuhkan untuk menyelia pelaksanaan Program Transformasi Ekonomi (ETP) dan Program Transformasi Kerajaan (GTP) - dua tonggak utama MBE.

Beberapa program tanggungjawab korporat Khazanah dan program yang dilaksanakan oleh GLC adalah di bawah Bidang Keberhasilan Utama Negara (NKRA) yang berkaitan dengan pendidikan dan peningkatan taraf hidup isi rumah berpendapatan rendah.

Sebagai pelabur strategik, Khazanah dan syarikat pelaburannya terlibat dalam sembilan daripada 12 Bidang ETP yang terkandung dalam Bidang Ekonomi Utama Negara (NKEA), termasuk pelancongan, pendidikan dan penjagaan kesihatan. Selain itu, inisiatif Khazanah di Iskandar



“Titik permulaan hubungan kami adalah ketika mentakrifkan “jiwa” kepada mandat baharu Khazanah. Ciri-ciri rendah hati, integriti dan khidmat kepada negara menjadi prinsip panduan ke arah menentukan tindakan sehingga hari ini. Moral tersebut terdiri daripada nilai kemanusiaan dan impak kemasyarakatan turut menjadi nilai sejati yang dikongsi bersama dalam usaha sama ini.”




HayGroup

Dato' Tharuma Rajah
Pengarah Urusan,
Asia Pacific
Korn Ferry Hay Group

TalentCorp
MALAYSIA



TERAJU
PENERAJU BUMIPUTERA



Malaysia adalah untuk menyokong konsep koridor pertumbuhan Kerajaan.

Khazanah menyokong Program Transformasi Ekonomi Bumiputera yang diuruskan oleh Unit Peneraju Agenda Bumiputera (TERAJU) melalui program pembangunan vendor di syarikat pelaburan kami, dan melalui pelupusan strategik di bawah inisiatif yang diterajui Majlis Ekonomi Bumiputera untuk menggalakkan keusahawanan Bumiputera dan pertumbuhan ekuiti. Melalui peranan kami sebagai Sekretariat Agenda Pemerkasaan Bumiputera (APB), Khazanah membantu untuk membangunkan petunjuk prestasi utama (KPI) untuk dilaksanakan oleh G20 dan GLIC di bawah Agenda Pemerkasaan Ekonomi Bumiputera Kerajaan.

Timbalan Pengerusi Khazanah Tan Sri Dato' Seri Utama Nor Mohamed Yakcop dan Pengarah Urusan Tan Sri Azman dan ahli Lembaga Pengarah Tan Sri Mohamed Azman Yahya, Tan Sri Andrew Sheng dan Dato' Sri Nazir Tun Abdul Razak ialah ahli dalam Jawatankuasa Ekonomi Khas yang ditubuhkan oleh kerajaan pada Ogos 2015 untuk mewujudkan tindakan segera dan jangka waktu sederhana dalam mengukuhkan lagi dasar ekonomi negara di tengah-tengah kemerosotan ekonomi global.

RM3 b
endowment
disediakan
kepada Yayasan
Hasanah

